論

學

小

写言

夷 **輸學小記上 論學小記**不記

不 逃性. 先生語人日人生有三大分旣生之後未死之前。 志學篇 儉 **述誠** 誠意義述 主讓篇 娏敬 論學約指 述情 述性一 博文篇 以厚篇 逃已 李小妃目次 進名 貴和篇 述情 **損獨篇** 述性三 程瑤田著 述情三 述性四 述名 立禮篇 大器篇 蓮術 述命 述誠 進德篇 通藝錄 述 逃

烏從而致力於其間哉於是二氏起而致力之而各 有之一分,有君臣父子夫婦昆弟朋友之五達道以 分也至於虛無之二分聖人非不知之也旣虛無矣 分也未生之前一分也既死之後一 有其物之謂誠也故曰聖聖相傳之學在實有之一 知仁勇三達德行之故學之始在於格物實有其物 而有者也其一分處而無者也聖聖相傳之學在曾 而格之也學至於誠精微極矣而必不能含物而言 故日誠者物之終始不誠無物誠之爲言實也皆 門戶今之關之者惡其與吾儒相背而馳也而 一分也其一分實

事實有其事,而吾愿廪乎其行之也人能知此之。. 能事人焉能事鬼未知生焉知死比物此志也然則 務於虛無之二分所以大異於吾儒之學也吾儒之 奉先思孝祭祀格神非事鬼神平日烏在其非事鬼 學仁爲已任死而後已既死不得不已未生非所敢 虛無異於生前死後之虛無也則思過半 神也事鬼神乃吾既生之後未死之前 知據其實有不事虛無吾所論學論此學也子曰 謂二氏無此三大分也彼惟舍去實有之〕分而專 不知吾儒人也二氏亦人也人生有此三大分不得 **哈萨小妃** 目次二 質有之大

				之後及門洪敝	生遊問其緒論於論學小記刻成蓮疏記之於錄
					<b>論學小記刻成謹</b>
					<b>疏記之於錄目</b>

志學篇 妻也何以能使宗族無閒然而鄉黨有所矜式也立 其人也 也者學為人子學為 則 人之生也必有以立乎世也其立乎世也必有以 ¥ 廷何以 何以能不失歡於父母何以能禽昆弟而刑 顶 能 人也者父子兄弟夫婦苟在 能 澤及於所治 無擇也舊矣施諸事 相見者也至於能仕則事之者吾君也苟 致其身行乎宗 **新工作** 人臣學為 也其在於身出諸 廟何以能相厥事臨 人弟學為人友之道 家毋相離也

向 身 成之 人也 後 灾安吾身者 也久矣飲食 不尚志者 儀 所 必九年 趾安吾身 為心害飾 能定命 習 非一 鳴 事 吾身者有法焉學之而後無以不 者也養吾身者有節焉學之而後 過 呼吾見成之者 丽 容止 動 也 也君 識志學 戒必恭 子之教 靜皆非可以苟焉已 也 矣 也 [恒少而] 也 習而安之 人也小成之 是故 凡 若 不成者 此者 也也 必 | 也席 || 所接 學

也然 與離者乎其切於吾心而不可以一 天下之達 教存吾學其文而有獲不啻親炙焉而詔我以語之 也舜之大孝也武王周公之達孝也其德 而已往矣其所存者文而已矣文存則道存道 日於文聖人賢 同也堯之文章也夫子之文章也其美富同其所 以喻之也不啻相依焉而携我以舉之被我以 同也徵之於文而後舜與武王 道五而人之 育トしこ 人先我而盡道者也夫固我之 百其切於吾身而不可以 端弗學矣乎於 同其所 魳 何

詩也 也日 也為 者 或 聍 亦若見而 書也禮 雨焉其無以異於成德 文其在兹 南也文 而 **顏子之稱善誘則日** 子聘於魯觀書於 **知之矣徵之於** 也文焉 **知之矣是故學文不可 緩也孔子之** 焉 吾乃今知 乎其教有四文與居首焉其所雅 而已矣顏子去聖 而已矣其所以謂伯魚者 太史氏見易象與魯春 周公之德也恭徵 博我者以文而 達財答問之 而後堯典夫子之所 間 教乎抑有 耳孔子 已矣

可省級 盡聞之矣嗚呼苟非其博物也安能使於四方而榮君之過也實沈之神主參也給臺之神封諸晉之川也子產不知焉是以不能思王度而式昭德音也則猶交不博 之命若是哉

故誠意 可為果 意之謂乃眞好眞惡 眞惡之 獨耳其 手之所指 獨 為此 之功在母自欺而母自欺之事日惧獨意非私 誰 獨耳 孟子所謂乃若其情可以為善者 先我固有之及其物格 吾巳 視者 之被王密 獨之 **炉其當好當惡之會** 其欺也初 固章章若是哉人誰與欺孤以 為言 之情發於性者此真好眞惡之情 之謁 亦謂欺人 不見也人誰 楊震 八耳庸記 夘 暮 至也則此 也當其未

無 能 之所 其 也 顧 初 也 非 至見君 之非 誠 如 私 m 他夫 其意 不壓罵而斥止之也 意 而 所 好 是 八誰肯於日 以必 也 誠 不誠其意 子而后 |知其當| 故 則 亦誰 也 誠其意若 日 厭然揜其一 自 拼 稠 與之於 夫然後其意皆 欺自欺之根以 廣 者 而 離 衆 私意也安 故 愼 乎 不 日 之中恣焉爲不 稠 善 小 凋 獮 廣衆之中 猶 也 而 為吾獨 所 爲 閒 冀 用其 私意 居 惡臭 為

後能盡其當好當惡之實以全其眞好眞惡之情此治 意之學也此之謂誠其意也 在內也乃內外相交之際也慎則專在內也慎之然 也若有佔聽之者是爲顯見甚於衆人之中爲之 鄭氏中庸注云愼獨者愼其閒居之所爲小人於隱 謹獨銘曰其出戸如見賓其入虛如有人其行無愧 者動作言語自以爲不見賭不見聞則必肆盡其情 於影其寢無愧於衾四句竝見劉子乾隆甲寅二月 紀聞載文子日聖人不慚於患君子慎其獨也劉 「獨立不慚影獨寢不媿衾王伯厚原注高彦先 

		為上治意因補錄於此以俟知言者商之。路田教授靈山檢上二條昔人之說愼獨者皆
		者皆就事

者之週週 其友者而先施 切焉 以求之其臣者而事君以求之其弟者 禮 蔽 慎乎由禮 於 於 禮 於斯 所以志於學以求立 乎禮 冀斯道之明也而已有所不明焉而好異 耳 言不 而 道者無論已視不以邪色接 也 也 已矣文曷爲而欲博乎學禮 以游辭出 描译小花式 不肖者之不及不及 禮之於人大矣以求之其子者而事 禮也然而道或不明於天下 : . 赭 乎斯世 而成其為 不以畸行 乎禮 而事 乎目薨不 也彼非 地 獨易 何也 兄以求

者 於儀 以 也 也 求其能立 立 也 而 然 於禮 故 而 敗 也 或 於 也 欲 之志於 度 浆 ൬ 如 其 也 學 **已矣是故** 弗 天 不能聖 畔 而 也 行也自 地 丽 所 者志於 禮之 睮 彼 斯 人也 聖 非不孜孜 嗣決防以 道 人自 也 強 不 不能 吾即 學 學 焉 以為一 息 也 旜 畔於斯 故 學 爲 則 而已矣志於 旜 欲 三十而 至 求 楢 遇 或 道 斯 道 立 也

能有以立乎斯世而成其為人者也 其為 遊求至於聖人然亦不可不以君子自勉也君子 是則難矣然而作止語黙之必不中乎禮則必不 人也必不能有以立於斯世也學者即不敢自

然者為恕自然者為仁生分別也子貢曰我不欲人 諸我也吾亦欲無加諸人此怨之說也自以爲及 德 仁也自然之恕聖人之 已矣孔子之仁終身恕焉而已矣勉然之恕學者 者 也雖自 篇 是馬故夫 德 解益 也恕者行仁之方也堯舜之仁終身恕 一子以非爾所及警之子使添雕開 不自以 論學小定八 )所說也 為 行仁也能恕則仁矣不以 及矣 此聖人之 不自以為 四天未能 教也非 故說 勉

有 不倦 恕 厭 以 以事兄未能也所求乎朋友先施之未能 誨 而辭之 則 聖亦然於博施濟 事父 其身 日 若 叉 也若日子貢之 不倦 未能也所求乎臣以事 此聖人進德之事也 而常 聖 恕為行仁之 及言學而 與仁則吾豈敢其僻聖仁 舜 猶 如弗及焉故日躬行君子 病 眾則日堯舜猶病於 然 言幾於仁而進乎 則 不 不自 厭誨人不倦! 非惟自治為 以為及乃 君未 垩 則又 則 修 地所 恕 也 則吾 聖 并 此 抑 故 然 爲 也

也 仁 也 為恕乎已 也近 而後已道之遠也如自以為及是未死而先已聖 夫仁至重而至難者也故日仁以為已任任之重 此 忽之說也能 不許也故日回也其心三月不違 取諸已以譬之 有問人 欲立而立人已欲達 不可許之 行恕 近取營 人不必博徵諸眾而反心 | 則夫子教人用力於 恕以 聖 而違· 而後已不自以 仁吾見其進 此 所謂 乎

			子聞一貫後贊於門人日夫子之道忠恕而已矣
--	--	--	---------------------

於當 惟 必 任然而子路之 名 也揖讓焉而 讓 出 足 所 争之 篇 雖 心也 於 以榮我 之 師猶 反也 以 而讓存爲夫至於能任與所必爭而 然矣其不争而不 譲 间惧: 聖 如 地 不讓 已矣讓者任之對 之 任也其言不讓 可知 斯以往凡 何其必 也而讓存焉 于小記十 矣世 俗之 以 非所 護 到晒之 當任與非所宜爭 故王於射 也 **所必爭者名也爭** 人也然吾見争 聖 而已矣故 固 不得 升也 聖 而 爲

Ł 如 哉 亦 丽 之 、 如 之 可 謂 何其必 必出於 受惡名 勤 脩 貨 柮 財不生 於爭名者矣昔 德 尚 而 人閣巷之 九合諸侯 不德 出 何 以美名 争也 爭 不爭而不 主於 活 不德 民 如之 世俗之所 也如 戦 者不矜不 不知 而 謱 何其必於此 钣亦九 異 國音差之富 人也 得者受美名 季 禮 義以不 亦可謂不 利 伐 必手者 則 团 觀 能 周 則 1此獨 譲之 誰能 不能 樂 而 善用其 見 舞 非名 護也 爲 譲 謂 財 及 也 也 能

		所能專也而天下之人終古不悟何也
		而天下
		之人終士
		<b>户不悟何</b>
		也

枚 通 夘 厚篇 焉 之為德 水之積也不厚則 其重也地厚也河 出自積 也 物其是之謂 加勁 者夷考其平生所行無一 物皆 也 石盤之 所以處心而示後者亦必無 其至矣 來揆之如 然矣人豈不然易日 乎別皆披覽史册見夫人之獲令名 命學月記七二 杯為之 疏之 水 乎崑崙 出 其東北 不 廖風之 岡 墟 北陬伏流地中禹導高萬一千里地載之 數之不能終其 地 加損者地厚故也 積也 地勢坤君子以厚 出於厚也又 不 而 厚則草 出

非爲善無不報之 勝 **脩德於身責報於天取必於數十年之後而又以 叉子忠恕仁厚** 歐蘇二公之文 剛 、廢書 阡 則彼 也 仁 出一公之言人皆信之矣厚者之獲報旣童 述 也 而 不厚之人天之 其太夫人言崇公之為更每治官書見死 歎日吾求其生 耐 卜崇公之有後旣而歐公果昌大也豈 **小王氏之** 明效與蘇公之記三槐堂也言王 北京日本 人間 しるから ニアン・ 所肄業及之者言之歐公之 概過知 福之未有艾也此所謂 所以報之 而不得耳太夫人以其心 者載在史册

有已斯不厚者之戒也夫斯不厚者之戒也夫博辨廣大而危其身者發人之惡者也為人臣子母以失於厚也老子曰聰明淡察而近於死者好議人者也

亦所 夫 豈 祥 和 而 猶 乖氣 休咎之 是於不 自知 於不 不中不 以治 取戾自古 勢然也 和 那个 徵也然而其徵正 涉 (則人皆 世也一 哉亦所積之勢然 **新學小兒十四** 君子之 不才者而棄之矣夫豈樂 夫君子其律己 至今莫不皆然夫人亦皆身受 樂之 有以養之也養 出 學也知其勢之必有 和 而 自不爽也是故和 旦是 而已矣和 也嚴其責 也雖然我中矣 於善 乏以 此非 和 (也必 也 則

凡今之 騰 能 也 天地 患此 徵與君政同則五穀或有晚熟之憂果實或有早 和也 山助夫子誦 一档 能順父母 人往往於此不能無 天氣之 而致 任之 和 同草木萌動若夫月令之行氣不應 一散詩 地 然 乎閒當 服之不能通乎天 不 也易言夫妻反 此詩而歎之日父母其順 和也院河之鄉節 日 也荷其不 観於天 子好合 隱恨焉此豈不由於已 地矣天氣 如鼓 目詩言 和者也夫 求豐歲戴 逐零兄弟 兄弟 文字子益 下降地 凤 候駅 極

達道也致中和天地位焉萬物育焉夫聖人之贊化育況於人乎故曰中也者天下之大本也和也者天下之 而参乎天地也惟在於和而已矣而況於學者乎

又受 與 也器也庾之容十六斗也秉之 君 子之使 所受烏能容之何也器 如其器之 假 而與之 一 符 之 如 [固其德] 人也器之夫斗之容十升也筲之容斗 所受者而受之與以庾秉之 所能容者而與之則被能受也若所與 辺 器 不足 百石亦受之浸假而與 所 稱哉閒當聞大子之言器矣 小也 也 5有容德 容十六斛也器也器 所受

也 功大者 其器 也其功大 覇 高矣古來之享富貴者必有容富貴之量 不能容其事功矣吾於管仲之 諸侯有匡天下之功其力能不以 桓公爵管仲 侯 而 Ż 也有仁 大也莫能名之 卽 必有容事功之量堯則天而 〈者其伐盆 以天爲其器夫器小者未有 天下之功功不可謂不大矣古來 一騎塞 - 卿隆管: 也故日不器 門反站越 仲 仲父 邾 禮犯分以 兵車而 也 即以 民無能名盎堯 旜 不有功而 、 其 富 而 **令桓** 得 騎 伐

			4
西海ボ		矣吾於無	益張三歸具官窮奢極侈以張其富葢不能容其富貴夫器小者未有不富貴而活者也其富貴愈顯者其活
1/2		自仲之不	四具官第
<b>含墨小妃士</b> 化		<b>愈而得</b>	奢極 侈 而 %
<b>*</b> E		都 小 之 验	は みんぱん は は ない は ない は ない は ない は いい は いい は いい は
		矣	蓋不能
			容其富
			貴湉

游藝篇 也弟子身通六藝者七十有二人而孔子之言學也則 學者之於文終身焉耳矣文在六經日六藝孔子之教 當志道時 事也夫學之始嘗博學於文矣學固從藝入耳夫學所 道約言之可一言而盡也日孝弟而巳而所以孝弟 以志於道也道則目擊而存者也何以必從藝入也整 護米 志於道據於德依於仁游於藝是故游藝者學之終 統 乎德而藏乎仁者也是故道莫大乎堯舜堯舜之 一言之所可盡也載之於藝也道莫備於夫子 初不知道之在吾目前也而是藝也則載 **倫理小泥什人** 

後 必於藝 終能 之能 無 即 於藝 得之道 道約信之可 以 則非一言之所可盡也載之於藝 據 中而 搽 職盡 他仁 乎得之者 職無 也仁則欲其始終能依也是不 也而且溫 者學之終事也抑是藝 得其道 之 倫盡 能依也皆於藝乎得之而德則欲其 盡則仁全於心而 職則德脩於身而 得其道然後 還當於藝 故可以知新 而盡也日忠恕 平養之游藝者 可以盡 也豈惟是足乎 也資泼乃以 可以依於仁 可以 **也道載於藝故** 倫 可不 **已而所以忠** 得其道然 據於德矣 矣 逢源

**筆之書是藝之所從出者也然而發憤忘食樂以忘之方也今夫聖人藝之宗也以共從心所欲不踰矩之本也逍在我將欲傳之其人也博學詳說藝者教** 之本也道在 且好古敏求於藝之中而不知其老之將至也 哉 道 我將以兼善天下也通經足用藝者 **科学小紀十九** 

总 好· 情惡之而不盡其吳惡之情 誠意 使 有之是情之見於意者也 逃 山於 惡之意 总 悪之 者意也是故吾好是善而欲為之 與情 好色 意 不容已者情也好惡之情動於中而欲 非私意之 無別 者情也試進 mj 以無頁其出於不容已之 好恶之 争 調 量 乃眞 非無別也意 而察其好之之意 有所未盡 是 乃好之 好與惡之 雕 好惡之 耐 不能 則 吾 不盡其真 離 是 倩 悪是 能

好色 情之 其有 其意已自知其當好當惡也而乃不能 其惡之之意亦未見其有孫豪不惡者意之 知其當然 孫豪之不然是能充實其為善拒惡之意而: 當然而乃不然自欺之也毋自欺者知其當 是知其當然而忽不然也當然而不然欺之 矣不使不仁者 好惡是眞好眞惡也發於情而即欲好之惡 於不容已 不好 者恶 不仁者 者 之情夫是之謂誠其意 意之誠也惡惡 加乎其身好仁惡 好仁 省 以尚之 如 惡 屯 誠也 試徐 悪 孔 臭り 也 如

吾意者 吾意者 惡惡臭以 惡惡臭如好好色也故日吾未見好德 而 難也誠意之所以如此其難者在不知慎獨也是故 見於意者 **醴之接於視聽言動者每為人之所不見此獨之引** 見能見其過而內自訟者也聖 施諸 內 也勿施之功則慎之以誠其意也凡皆所謂 也四勿之功則愼之以誠其意也以已所不欲 毋自欺也吾故曰獨者內外相交之際而 人其設心亦以為人所不見耳此亦獨之淆 也如謂意之在內者 也無以尚不使 論學小究世 加誠其意者 一人之所未見則誠意 如好色者 也即所 也

事言則一事之始終該之故意之發端在 故必說在發命之初方能不侵界限不知此意也 合心意兼修齊治平而無適不然者也 者 外 此皆不是專主起念時言傳者明說如惡惡臭如 功則非一念之可畢也小註云自欺有四樣 人所不見而兢兢然治之此 懼乎其所不聞也此所謂不動而敬不言而信也此 只為誠意工夫是致知之後正心之前夾縫中事 荷且自慢 一事皆指始終如一 有為而為 所謂戒慎乎其所不 始勤終怠此說得 一念而誠意 掩 以

植製料 之意乃不誠矣誠其意者不使有四樣自欺也若發念 有惡之之意此方是傳者所謂意也但彼未致知而 與為不善之小人當此起念時亦必以為不當爲亦必 如此二事之始終如一 甘於自棄則旋有旋滅然其不誠也亦不得謂之非自 惡其初念本誠也發念之後或有小註四樣之欺來乘 一矣不使不仁者加乎其身此說惡字最精妙此之好 一之或有惡好字易說惡字難說子曰惡不仁者其為 也若致知之後設有一念之不善其惡之之意殆有 初即起惡念此非傳者之所謂意也即未致知之人 治学・元十二 也盡好者好已之爲善惡者

甚焉誠之 則 致 焉 其エ 夘 貫乎其事之 任 、誠意正 者 意之 耳矣 4 死 無 所謂誠 者誠此意也此之不能如惡惡臭此之謂 功未嘗閒斷也乃中道 以尚此意之最大者 不 而後已矣此時便有好仁之意 能截然 心脩身界限有四段然致之誠之正 始終以一 也心即由此而正矣身即 好色之始終如 分作四候 身言則貫乎終身孔子所 也當其致 如誠意之功以 雖 而廢未死 正心修身後 知 時 由 日日好之 先已 此 而修 旣 事 之 此 知 脩

惡之所謂誠也心卽由此絕乎不仁而正矣身卽由此 此亦意之最大者也當其致知時旣知為仁之不可違 絶乎不仁而脩矣其誠意之功未當間斷也乃見異而 正心脩身後猶是不誠其意也 遷違於終食此其惡之不能如惡惡臭之始終如一 於終食之閒矣此時便有惡不仁之意日日惡之事事 因以外 愈者之惡惡也非專指惡已有之而後去之務盡之 誠其意也孔子所謂惡不仁者不使不仁 也謂不使絲豪之惡有以乘於吾之身也故曰夫子 者其爲仁矣不使不仁者加乎其身說惡字 治學小記出ニー 加乎其身

余言慎獨總要在耳目口鼻四肢之視聽言動上見官 為吾欲誠之意其治之之功謂之去惡謂之改過亦不 緩者此之謂惡惡之意也此之謂內自訟也此之謂獨 **可惡如此惡臭者多矣今即以好色例之色雖好而** 然卒無有肯受之者何也其惡之意誠也夫天下之 惡臭 當慎者 以誠意二字統言之而此去惡改過之皇皇焉不容 之所接有台禮非禮之殊此時正好施功處今試以 妙也若不善乘於吾身此所謂惡念也不可誤 也此之謂毋自欺以誠其意也 事言之吾之惡之也雖猝值之而幾於不

當避 之不慎也吾故日獨者內外相交之際而傾則專在內 弗避也此其好之之意不能如好好色之誠也此即 色 如乎惡臭而避之即受不韙之名由君子觀之其爲不 可好如此好色者多矣今即以惡臭例之其難受也 **卒無有不以爲美者何也其好之意誠也夫天下之** 一事言之吾之好之也雖發乎情而未嘗不止乎禮如惡惡臭之誠也此即獨之不慎也今又試以好好 人之見之者往往不能不視之也此其惡之之意不 為非禮之視由君子觀之其為可惡何異於惡臭 也何異於好色之可好而人之遇之者往往不能

其處而視之不能見也微為細小之物未當不可見而 見之不能顯也此眞如視聽言動之接於吾而吾欲視 中庸以隱微二字言獨字最精妙聽 聽之言之動之之時也此時心中即以禮權之如其 也 行事不疚乃吾之志即好善惡惡之意也好惡之不 則勿視聽言動也此慣獨之事 欺其意是見惡於其志矣能於內外相交之際 如曾子之三省其不疚者皆相已之行事 則是於人之所不見時而能慎 為黑 也 **酯之地非** 也

無惡於志矣 愧怍 常宅乎物之理而因之脩身使萬物皆備之身始終無 誠意為明明德之要而必先之以致知知非空致在於 使吾造意之時務不達乎物之理而因之正心使吾心 格物物者何意身心家國天下也麗於身者有五事接 而大學之能事畢矣 是長秋 (通乎其理致知者能貫通乎物之理矣而於是誠意 身者有五倫皆物之宜格焉者也格者舉其物而 外乎順物之情盡物之性使天下無 乎其物而馴致乎家之齊國之治天下之平亦惟 物不得其所

物 Ĕ 異學之所 之後志之定於其先而立乎其大者 時而果能造不為之意此之謂無惡於志此之 見之而已也即如 者舍視聽言動無下手處也不知循物寂守其心 吾於物之所不當爲者而斷乎其 子謂心之官則思先立乎其大者 )造意之時 者 對 乎耳目之官而專致力於思然則所謂先立 以岐也吾學則不然慎獨者慎其意之接於 所不見 與此 與人共謀 而言非已亦不見 一人共見即 事其 瘶 而至於耳目交物 不為此吾於致 葢 ,與 也豈 人之 謂心能主 人共謀之時 惟己 所 乎 謂 耳

也 しる状 則密 外 慊哉豈非無自欺哉總之吾學先格物內而意也心 無須臾之頃而不循乎物者也舍物而言惧獨自 也此時密與篾各皆造意密不能誠其惡惡之意是 吾非寂守安必其不流入於寂守而不自知乎 不慎其獨也震能誠其惡惡之意是震之慎其獨也 獨此之不可不慎獨以誠其意 而身也皆物也極之而至於家國天下無非物 密固日莫夜無知者是兩人相對為人之所 此時為不能自慊而成其為自欺簋此時豈不 「動日去私去被余以 金を大力で 為道問學其第 也如王 密懷 金

明德 能鑑物是明德也錄之煎之鍛之範之鏡以蔽之本未行者非必有所私也若五金 明德 有之者 也是故崇德明明德之事也道問學以尊德性日 私 也鑑受塵 也脩慝去破去私之 則 也好善恶不善非 德 慝也反其 敦 升 端大之大 不誠以幾 也今之 脩愿也毋自欺亦非 謂也誠意者崇德脩愿 也脩恩亦 於誠是之謂 本本不 五金然其 夘 之 知者: 脩慝 属 脩 也 所以 性 肵

先主之不從義者過先集之不存誠者邪先陷之故 **崇德脩愿兩事也從義改過兩事也存誠開邪** 治之身為叢尤集愆之身雖亦頗疑於性善及其著 能無岐也 舉其然者而偏舉其不然者為夫人之不 手续 | 術治病之道也豈無病之人而可不知養生之 每對舉言之以示人至於言脩治之功則又往 也不能不與荀子性惡篇相爲表裏此說之 愿為即以崇德其根由於不知性善之精義遂 **医一小肥分七** 崇德 兩事 往 也

孟 子之為赤子則不必其皆能為聖 明德者也明明德者無所不知之誠赤子之誠 誠矣意之誠誠如赤子之无妄矣而卒不得謂之爲 而吾人之學必先於格物以致知者何也益以意 之誠也故赤子之誠雖與聖人之誠通 而赤子非能格物以致其知者也此 能 為 誠以造 聖人者亦必不能不格物致知而徒恃其 而至於七十乃自信其從心所欲不踰 (者不失其赤子之心者也則 乎其極也此吾夫子所以終其身 人然即使赤子 可以見人性 誠意莫如 無二而 無 肵

此 於是乎能行此禮也此之謂男明德而大異乎赤子 乃能於獨見獨為之時愼之又愼以造其意而誠之而 古昔 ·盡其蘊乃撰次而述之日心者身之主也萬物備 所知之誠矣 壽俟命是盡心始終不閒斷被然判開首節是知 肵 子盡其心章余謂盡心內該得幾許行即中庸之 知合德時措 咸宜是之謂盡心存心是盡心無閒 以必待其人而後行者待此格物以致其知之 聖 中庸之自成盡性該盡人物之性自成該成物 緣 言字小定せ入 而禮儀三百威儀

吾之身 其性 之王 以 知其心所具之 一不能 於盡人之性盡物之性而心盡矣是非先有 乎曷為而可謂之盡其心也由盡已之性而 也夫是性 則戕父母生我 則 知性 也曷知乎爾格物以致其知斯能 即具於吾之心而以為吾之性 而心可不存 以心與性 也 性 天非二 天之分與我者 而因 乎不存則 而能 以身而不 |事亦無二時 以 盡其心然 ||也性 敦 傷 其 放夫 則盡 不異乎天 然 也 如是 一知其性 窮盡 其心 性

然後天之所以與我以為性而具於心者是我所受之 化育之能任 好惡者情也情之見於事為而吾心經營之者意也有 之情而 拒恶者 好善惡惡之情即有為善拒惡之意是意乃依乎本 事 以盡其道 而妖壽不貳脩身以俟之矣豈非所以立命乎 致其知者旣詳且盡而見之於行也必能居仁 乎故苟能存其心而養其性也則必其明物 一變而拒善是反其初意矣誠之 順乎其所致之知者 則至重 而其功之盛必將有以馴致夫参天地 是小肥州比 也道則至遠也死而後已者也夫 也無何為善者變而為

之才便如此也性善之義至孟子言之乃眞透根之 其情者 惕惻隱之心正謂下愚不移者皆如此 孟 而 也若夫爲不善乃其後之變態非其情動之初本 以為善者可不可未可知之辭然而未嘗不可以 惻隱羞惡辭讓是非之情爲仁義禮智之端謂人皆 子以情驗性總就下愚不赘耆指出其情以曉人 則 不使之變也 者 可以爲善乃若者轉語也即從下交若夫字生 下愚不移者之情即下文為不善者之情也 下愚不移者亦有也故乍見孺子入井皆有怵 也故日乃若 夘 根

於知者 地 即今日當下 业 一性自性習自習習相遠愈見性之相近也習之 遠郊於 與物異故性 知也等而漸 性相近也習相遠也此章專論習也習典性 也養稟氣受質而成人之形其心即具人之 知思之 達則愚 移也性之相近也愚者之性未曾 可自驗人 不善也而不能無知愚之殊者以 知思之 是小妃世 則不知 知即 而知覺不能不分等差其 而愚矣愚非無其知也 . 可自信其件 <del></del>相

**也故知愚雖分而性未始不相近相近云者弗無其善** 於是知者習於善則愈遠於愚卽愚者習於善亦可遠 乙葢知者從性中 於其本然之愚若 云也然知覺既 思者智於惡則 愚移而 義禮知之 一知愚 直達而出愚者則鬱而不能直達者 有知愚之殊而薰習復有邪正之 亦有等差習而移之下達焉可至於 愈遠於知知有等差習而移之上 知者習於惡則可遠於其本然之知 達而性之善見移而愚者性不達 郑本無 有不善哉不見其善而已矣然 知何獨至於愚者而無

習亦不能移而轉之乎知其本非下愚而移而至於下 能移而轉之乎愚其本非上知而移而至於上 因於習之 相遠者因習而移其知愚非移其相近之性也知愚毋 愚者亦若是則已矣其不移者非其性之善本有加於 本有損於人也其務焉者非其性之善忽有加於 惟夫生而 於人也夫性未有不相近者也何以知其然 )矣而生而下愚之人知覺極庸雖與善者相 所務見人不可不薩所習而不得以此罪性 性其端見於側隱羞惡解讓是非之情者 知之人 知覺獨異雖與不善者相習不 一知者亦

以情驗性之指正孔子性相近之義疏矣 **精其善之自然而發者也才其能求本然之善而無不** 雖下愚之人未當不皆有也由是言之孟子性善之說 水以氣見也清則其性也其流涌出而人無不視其清 得者也性善故情善而才亦善也孟子旣以情驗性矣 叫其言爲不善也則曰非其才之罪也又曰求則得之 則失之不能盡其才也澄之不撓又復清也性不可 則失之或相倍蓰而無算者不能盡其才者也譬之 情也挠之不已泥沙淆之則濁矣氣爲習累也所謂 謂求則得之能盡其才也譬之 一鏡以質呈也明

拭塵垢掩之則暗矣質爲習累也所謂舍則失之不 之能盡其才也夫安得以其爲不善而罪才乎 爲則又有無過無不及之分以爲之則是則也以德 其才也去其塵垢又復明也性不可累也所謂求 極 之於已 分以與人而限之於天者謂之命人受 地言之謂之中庸以聖人本諸 **心磨之生** 者謂之性。此限於天而成於己者。及其見之 制以與人遵守者言之 7、1 論性小配世に 、無不 賭其明者情 謂之威儀之 人之四德之 天之所命 禮恭 性 即 則

能者 性命! 百行無物無則性命相通合 口之於味也目之於色 氏之秉素好是懿德孔子釋之曰有物必有則民之秉 也故好是懿德增必字也字故字而性善之義見矣。 嗜乎味。我之目而美乎色。我之耳而悅乎聲我之 而愈能者也是之謂性善詩日天生蒸民有物有 乎臭我之四肢 也亦即其限於 | 字必合言之| 而治性之 佚也性也有命焉君子不 天成於已 心耳之 學斯備五官百骸五常 於聲也鼻之於奧也 於則性乃治矣孟子 謂性也謂我之 而愈知 則

性 性. 過 乎其 則 以 遂 必 則矣仁之於父子也 過 J 所成之 於賢者 過 也謂 乎其則命 臣以吾心之 平 吾心所具聖 剿 以吾心 俱生之性 性 爲 也聖人之 配卌区 断節之 難 命之 之七 禮 順 而施於 人之德 也 於天道 義之 順 而施於父 命 能 於君 妍 丽 而與天道 也命也 限之 不畏 過 也 醴 吾心 則

則 而 順天所限之命恒易性難遂則必不及乎則命易順於天者也五者吾體之大者也遂已所成之性恒難 性而不畏其難遂斯必及乎其則矣 姑 任其不及乎則治性之道以必及乎則為斷勉之